



Broj: T18 0 KTPO 0016516 24

Datum 08.08.2025. godine

Optužnica potvrđena dana 14.08.2025. godine

Na osnovu člana 35 stav (2) tačka i) i člana 226 stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

Z. B., rođen 1953. godine u Brčkom,

Što je:

Dana 13.07.2015. godine, postupajući kao notar, u svojim poslovnim prostorijama u ulici Bosne Srebrene u Brčkom, nakon što su mu se obratili poduzeće „Bedros“ d.o.o. Brčko i „Raiffeisen bank“ d.d. Sarajevo sa zahtjevom da sačini Ugovor o zasnivanju hipoteke, a radi osiguranja prethodno odobrenog kredita u iznosu od 550.000,00 KM, sačinio, a što je i htio notarski obrađen ugovor broj OPU 658/15 o zasnivanju hipoteke nad nekretninama upisanim u z.k. ul.broj 3... i 3... Privremenog registra za k.o. Dubrave ,na parceli broj k.č.379/120PG Privredna zgrada površine 127 m², zaključen između „Raiffeisen bank“ d.d. Sarajevo kao povjerioca, preduzeća „Bedros“ d.o.o. Brčko kao dužnika, malodobnog M. T., vlasnika založene nekretnine, i njegove majke S. T. kao založnih dužnika, iako je bio svjestan i znao da je založni dužnik M. T. malodoban i da se njegova imovina, ne može opteretiti bez saglasnosti organa starateljstva, shodno članu 243 stav (1) i (2) Porodičnog zakona Brčko distrikta BiH koji propisuje da roditelji mogu samo s odobrenjem nadležnog organa starateljstva otuđiti ili opteretiti vrijednije stvari i prava iz imovine maloljetnog djeteta radi njegovog izdržavanja, liječenja, vaspitanja i obrazovanja ili ako to zahtijeva drugi važan interes djeteta, te da samo s odobrenjem organa starateljstva roditelji mogu preduzimati pred sudom ili drugim organima procesne radnje koje se odnose na imovinu djeteta, i svjestan svoje obveze da je prema članu 54 i 55 Zakona o notarima Brčko distrikta Bosne i Hercegovine dužan da provjeri stranačku sposobnost ugovornih strana, što nije učinio, kao i da stranke pouči o pravnim efektima posla, te ih upozori na izjave koje bi mogle dati povoda sporovima, pa je usljed takvog njegovog postupanja teško povrijeđeno pravo malodobnog M. T. na mirno i neometano uživanje svoje privatne imovine ,predviđeno članom 13 stav (5) Statuta Brčko distrikta Bosne i Hercegovine jer mu je konstituisanjem hipoteke na ovakav način nezakonito opterećena imovina ukupne tržišne vrijednosti od 435.887,85 KM, a koja povreda prava malodobnika je potvrđena i Presudom Osnovnog suda Brčko distrikta Bosne i Hercegovine broj 96 0 P 107507 20 P2 od 21.10.2020. godine

dakle, kao službena osoba povredom zakona očito nesavjesno postupio u obavljanju službe, pa je zbog toga pravo drugog bilo teško povrijeđeno,

čime je počinio krivično djelo - Nesavjestan rad u službi - iz člana 381 stav (2) Krivičnog zakona Brčko distrikta Bosne i Hercegovine.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
